

Assam Postal Circle
f @cpnigassam

बाडाइ होनाय गोबां मोनफिन्नाय

बेयाव मानो पिएलआइआ नौथांनि थाखाय साबसिन

रकेन खालाम

बोरोबथावै वनासः बोसोराव मोनफ्रोम 1,000 राडाव 48 निफ्राय 76 रांसिम!
गासै रासिः 20,000 रांसिफ्राय 50 लाख रांसिम
जिंगा गैयै लननि खावु
फलेक्सबेल प्रिमियाम होनायः अनलाइन/एनएसिएइस/दुरस्टेप/आइपिपिबि
बाडाइसिन प्रिमियाम+ गोबां मोनफिन्नाय = साबसिन बाहायनाय!

बोसिन मिबथिनो थाखाय

सार्केल मावख' 9435121802/6026177547, काचारः 8135934745, दरंः 7002512686, डिब्रुगढ़ः 8134828687, गवालापाराः 8638175215, नगावः 9706657595, नलबारि-बरपेटाः 9707461440, शिबसागरः 9101902308, तिनिचुकियाः 9101587077

कक्राझारनि दतमायाव खुंजानो गोनां एबसुनि 57 थि बोसोरसालिया जथुम्मानि थाग-थियारिआ गोखोडै सोलिगासिनो



कक्राझार, 9 मार्चः कक्राझारनि दतमानि बड'फा फोथाराव बर' हारिनि माहारियारि आफाद दुलाराइ बर' फरायसा आफाद एबसुनि 57 थि बोसोरारि जथुम्माया फेगो 13 मार्चनिफ्राय सानब्रैनि हाबाफारिजो जागायगोन। बे बायदिनो जथुम्माया खुंजानो गेजेराव साननैसोल' सम थाबावनायनि गेजेरावनो जथुम्माथिलिनि गाहाइ साइनासालिजो लोगोसे गासैबो लुफुनायनि खामानिया गोखैयैनो सोलिगासिनो दं। मख'नो गोनादि, मिरुनि नख'र मन्थि अमित शाहजो लोगोसे मिरुनि सोलोथाइ मन्थिआ बे जथुम्मायाव बाहागो लाफैगोनखो गोनांथि होनानै आइन ओ बुथिखो नोजोर होनानै दिनै कक्राझारआव आसाम पुलिसनि बिथोनगिरि गाहाइ हरमित सिंहआ नुजाथिफैयो आरो दतमा ओन्सोलाव नायगिर्दिनानै आइन आबुथिनि थासारिनि सायाव सुलु लायो। मख'नो गोनादि, फरायसा आफादनि कक्राझार सहरनि मिरु मावखुलि बड'फा न'ब्लाडव मोनसे खौरंगिरि मेल खुंनानै मिरु आफादनि (□ 6 बिलाइआव)

आसाम सरकारनि गोजौसिन नोगोरारि सन्मानखौ फोसावनाय

गुवाहाटी, 9 मार्चः केबिनेट जथुम्मा जोबनायनि उनाव राइज्योनि गिबि मन्थि ड हिमन्त बिश्व शर्माआ दिनै मोनसे खौरां मेलाव आसाम बैभव, आसाम सौरभ आरो आसाम गौरब बान्थाखो फोसावनानै होयो। बे खेबाव राइज्यो सरकारा रडियानिफ्राय आसामनि मोनथावना फिसज्ला आजिरा मोन्नाय लेफिटनेन्ट बिबानगिरि राणा प्रताप कलितानो गोजौसिन नोगोरारि सन्मान असम बैभव बान्थाजो मान होदो। आसाम सौरभ बान्थाखो राइज्योनि सा 6 सुबुफोरनि थाखाय फोसावनाय जादो। मुंदांखा देखेगिरि दिपेन बरुवा, मुंदांखा थुनफावथाय लिरगिरि हेमन्त दत्त आरो भारतारि आइजो क्रिकेट हान्जानि गेलेगिरि उमा चेन्नि मोनहा दं। बेजो लोगोसे, आसाम सौरभ बान्था मोनगिरि गुबुन साथाम सुबुफोरा जाबाय टिसिएसनि मासिगिरि ड (□ 6 बिलाइआव)

आसामाव सरकारि देहा खोन्दोजो राइजो-राजाफोरा गोबां मुलाम्फा मोनो हादोः कातिराम बर'



औरंगाजुलि चाहा बागानाव सा 7 रोजा चाहा लेबारफोरनो टिफिन बक्स गथायदोँ जौ खैफोदआव गोरलैयाखै, जौ उन्दै हौवासा-हिन्जावसा नड, जौनि खैफोदनि थाखाय दुर्गा दास बर'आ सानखांनो गोनांथि गैयाः प्रमद बर'

उदालगुरि, 9 मार्चः उदालगुरि जिल्लानि भारत-भुटान सिमनानि सिङव थानाय औरंगाजुलि चाहा बागानाव गासै सा 7 रोजा चाहा लेबारफोरनो बिटिआरनि लेबार आरो अन्साय बिफाननि मावफुं सोद्रोमा सन्जित तौत्तिनि (□ 6 बिलाइआव)



मुसलपुर/भबानिपुर, 9 मार्चः दासान्दि आसामजो लोगोसे बिटिसिनि सरकारि देहा खोन्दोया गोबां दावगादो। सकारि देहा खोन्दोनि गेजेरजो राइजो-राजाफोरा गोबां मुलाम्फा मोनो हादो। बावैसो सिगां आसामाव गायसन्नाय फाहामथाय फरायसालिमा फाहामसालिनि गेजेरजो राइजो-राजाफोरा नागिरनाय बायदिनो सिबिथाय मोनो हादो। नाथाय राइज्योनि गोबां राइजो-राजाफोरा सरकारि (□ 6 बिलाइआव)

जबेबाबू myGov मेरो सरकार

आसाम सरकार

निखावरिफोरनि खाथियाव आसाम सरकार दावगाथायनि बिथिडाव जौनि राइज्यो

10 अक्ट'

पेन्सन आरो अरुनदयनि सान

मुलाम्फामोनगिरि 43,20,965

दानफ्रोमबो होनाय रां 384.05 कौटि

दानफ्रोमबो 10 अक्ट'खालि मुलाम्फागिरिनि एकाउन्टसिम मोन्नांगौ रां

इन्दिरा मिरि सार्वजनिक रान्दि पेन्सन आरो दिनदयाल बेंगुरा अन्सुंथाय बिथांखिजोँ अरुनदय बिथांखिखौ सोसन्नाय जादोँ

अरुनदय

मुखल कुशल सुँवर बैसो गोरा पेन्सन

माहारियारि बेंगुरा, रान्दि आरो बैसो गोरा पेन्सन बिथांखि

बिथांखिफोर

फोरमायथाय आरो सुबुं फोनांजाब बिथोनगिरि मावख', सामजोँ फोसावजानाय

Connect with us f @diprassam dipr.assam.gov.in

सुजुगिरिनि खोलोम

सोलायनाय बोथोरनि थासारि

थानाय माखासे बोसोरनि गेजेराव बोथोरनि सोमोनांथावनायै

महर सोलायबोनो हमनायखौ लानानै बोथोर बिगियानिफोराबो हमदांनायाव गोब्राब जानायखौ मिबथिनाय जायो। बोथोरनि पेटार्नखौ संदान्गौ जायोब्ला सिगां बोसोरफोरनि बोथोरनि थासारिनि सायावबो नोजोर होनांगौ जायो। बे मोन्दांथिखौ होदों बोथोर बिगियानगिरिफोरा। बोथोर बिफाननि बादियै थानाय बोसोरनि सिगां आगरस्ट, सेपेम्बर आरो नभेम्बर दान मोनथामखौ थानाय 1901 माइथायनि उनाव बयनिखुइबो गुर्दुसिन दान महरै फोसावनाय जादोंमोन। बे समावनो बोथोर बिफाननिफ्राय डिसेम्बर 2023 नि जागायजेनानै 2024नि फेब्रुवारि दानसिम हादतनि गोबांथार ओन्सोलफोराव बिदुंआ सरसन्सानिखुइ बांसिन दुंनो हागौ होन्नानै सांग्रांथि होनायखौ नुनो मोन्नाय जादोंमोन। बिफाननि बे हमदांनाय बादियैनो बोथोरनि बिदुं दुंखावनायखौ सुबुंफोरा मोन्दांदोंबो। थानाय बोसोरआव मौसुमि अखा हानाया हादतनाडै सरासन्सानिखुइ बांसिन हादोंब्लाबो बोथोरनि गुर्दुं दुंखावनायाबो समानैनो सोलिबाय थादोंमोन। बेबादिनो अखा हानायनि बेलायाव हादतनि गुबुन गुबुन ओन्सोलफोरनि रुजुनायाव माखायाव गोबां आरो माखासे राइज्योफोराव अखा हानायनि बिबाडा सरासन्सानिखुइबो एसेल'सिन हानायखौ बोथोर बिफानआ हमदांनाय बादियैनो जानायखौबो नुनो मोन्नाय जादोंमोन। अखा गोबां हानाय आरो अखा एसेल' हानाय ओन्सोलनि बिदुं दुंखावनाया गोबां-एसे जायालासेनो समानैनो गोखों बिदुं दुंखावनायखौ सुबुंफोरा सहायनो गोनां जादोंमोन। सोलिफु बोसोरा माखासे दान थानायनि उनावनो बिदुं दंनायाबो लासे लासे बांबोनायखौ हमदांनो हानाय जादों। दासान्दि जौनि हालामाव थानाय माखासे साननिफ्रायनो अखा-बांखा गैयैनि जाउनाव रानसाव बोथोर सोमजिनायजों लोगोसेनो हर आरो फुबिलि समआव बिदुइ गोजाइ-गोलोमा जानायखौ हमदांनो हानाय जादों।

जौनि हादतआव गोजां बोथोरआ दान मोनब्रै सोलियो एबा गोजां बोथोर होन्नानै बुंनाय जायो। अक्टबर दाननिफ्राय लानानै जानुवारि दानसिम गोजांनाय फैयो। गुबैयै नभेम्बरनिफ्राय जानुवारिसिम गुसु सुहाबनाय गोजांनायखौ मोन्दांथिनाय जायो। सा भारतनि माखासे राइज्योफोराव डिसेम्बर आरो जानुवारि दानआव गुसु सुहाबनाय बोथोर फैयो आरो बे दान मोननैखौनो सा भारतआव गोजां बोथोर होन्नानै गनायबोदों। बे बोसोरआव भारतनि बोथोर बिफाननि हमदांनाय बादियै गोखों बिदुं दुंखावजानायनि उनाव हादतनि सुबुंफोरा गिथावना गोजांनाय बोथोरजोंबो मोगा-मोगि जानांनो हागौ होन्नानै सांग्रांथि होदोंमोन। नाथाय बिब्दि थासारि फैनायखौ बांद्राय नुनो मोन्नाय जायाखेब्लाबो माखासे हाजो ओन्सोलफोराव गुसु बोथोर सोलिबाय थानायखौ मोन्दांथिदों। थानाय बोसोरनि गोलोम बोथोराव हादतनाडै हिटस्ट्रकनि 40 रोजानिखुइबो बांसिन जाथाय सोमजिदोंमोन। भारतआव मौसुमि बोथोरनि हाबफैनाय आरो थांफिन्नायनि सायावबो बोथोरनि पेटार्नखौ आथिखाल हमदांनो हानायाव गोब्राब जानायखौबो मख'दों आइएमडिया। गोबांथार बोथोर नायसंग्रा फसंथानफोरनि नायसंनाया थार जाफुडैखौ गुबुन गुबुन रोखोमनि जाहोन होन्नानै सोनाबथिडै सोमजिनाय वेस्टार्न डिस्टार्बैन्सनि थाखाय सोमजिज्यो होन्नानै मिबथिनाय जायो। बिब्दि जाहोनफोरखौ नायनानै बोथोर बिगियानिफोरनि इयुन हमदांनायनि गोबाडानो जाफुदोंबो। दासान्दि वेस्टार्न डिस्टार्बैन्सनि थाखाय हादतनाडै बोथोरनि थासारियाव सम सम सोलायनाय फैनायखौबो नुनो मोन्नाय जादों। वेस्टार्न डिस्टार्बैन्सनि थाखाय हादतनाडैनो बबेयावबा फ्रि-फ्रि आरो गोखों अखा हागोन आरो हाजो ओन्सोलाव अखाजों लोगोसे बरफ गोर्गलैगोननिबो सांग्रांथि होदों बोथोर बिफानआ।

दिनैनि फान्जामुथि

राशि बाइदियै मुंनि गिबि हांखो

मेघ : अ ल बृष : ऊ ब (उ ए इ) मिथुन : क छ (ड घ)

कर्कट : ड ह सिंह : म ट कन्या : प ट (ण ष)

तुला : त र वृश्चिक : ब न धनु : ध भ (ढ़ फ)

मकर : ख ज कुम्भ : ग श (स) मीन : द च (ख ज झ)

मेघ:

बेफार फालांगि मावनायाव रांखावरि मुलाम्फा मोन्नो हागोन। गोसोखौ गोजोन मोनगोन।

बृष:

जेखि जाया बेरामाव गोर्गलैबायनो हागौ। जैरैबो सांग्रां जानानै थानांगोन।

मिथुन:

जेथिबो सांग्रां जानानै थानांगोन। माबाफोर जेंनायाव गोर्गलैनो हागौ।

कर्कट:

फालांगिरि मावग्रानि थाखाय गाहाम सान। मुलाम्फा आरजिनानै लानो हागोन। मोजां सान।

सिंह:

जेखियानो जाया माबा मोनसे जेंनायाव गोर्गलैनो हागौ। जैरैबो सांग्रां जानांगोन। थासारिया मोजां नइ।

कन्या:

नख'रनि माबाफोर शुभ खामानि मावनानै लानो हागोन। बे राशिनि थाखाय गाहाम सान।

तुला:

मानिबा थाखाय सोरजोंबा सोमोन्दो गावस्सालायनाय जानो हागौ।

वृश्चिक:

मोजां मोनलायनायनि दौलेंआ गोरा जागोन। गोजोनै सम बारहोनो हागोन। मोजां सान।

धनु:

मानिबा थाखाय गोसो सिडव दुखु मोनखांनो हागौ। गोसो हमथाना थानाया गाहाम।

मकर:

मानिबा दुखुआव गोसोआ बोरला बायनो हागौ। जेखि जाया गोसोखौ हमथा।

कुम्भ:

संसार जानायाव जेंना-जेंसिआ जोबनाय नइ। गोसो हमथानानै सोलिनांगोन।

मीन:

जैरैबो रंजा-बाजा खालामनो हागोन। गोजोन्नायखौ मोनगोन। मोजां सान।

गाहाड़ मन्थि मदिआ एप्रिलआव बिहार दावबायगोन, लाख लाख सरकारि साख्रि आरो पाटना बिरखं गाथोननि गोदान टार्मिनेलखौ फोसावगोन

पाटना, 9 मार्च:

गाहाड़ मन्थि मदिनि बिहार दावबायनाया बे बोसोराव बिहारआव जानो गोनां बिधानसभा बिसायख'थिनि सिगां जागोन। खुंथायाव थानाय दोलो आरो बेरेखा दोलोफोरा आथिखालाव थियारिफोराव मुखुब। बे आयेदायाव गाहाड़ मन्थि नरेन्द्र मदिआ एप्रिलआव फिन बिहार दावबायगोन। लेइइ गिबि मन्थि सम्राट चौधुरीआ गाहाड़ मन्थिनि बिहार दावबायनायनि सोमोन्दै फोरमायथि होदों। बेनि सिगां गाहाड़ मन्थिआ फेब्रुवारियाव बिहारनि भागलपुर दावबायदोंमोन, बे समावबो बिथाइ गोबां बिथांखिफोरखौ जागायदों। लेइइ गिबि मन्थि सम्राट चौधुरीआ बुंदोंदि गाहाड़ मन्थि मदिआ एप्रिलआव

बिहार आव फै गोन आरो बिथांखौ दावबायनो थाखाय लिंहरनाय जादों। गाहाड़ मन्थिया पाटना बिरखं गाथोनाव गोदान टार्मिनेलखौ बेखेवगोन आरो बिहटा बिरखं गाथोननि अन्थाय खाम्फा गायसनगोन। गाहाड़ मन्थिया अन्थाय खाम्फा गायसननानै माखासे गोदान बिथांखिफोरखौ बेखेवगोन। सम्राट चौधरीआ बि.जे.पि.नि

राइज्योयारि गाहाड़ मावख'आव मोनसे खौरां मेल खुंनानै बुंदोंदि, गाहाड़ मन्थि आरो गिबि मन्थिआ बिहारनि जौगाखांनायनि थाखाय गोखैये हाबा मावगासिनो थादों। फैगौ 2027 माइथायसिमआव सुबुंफोरा 4 घन्टानि गेजेरावनो पाटनासिम सौहैनो हागोन। 50 लाख सरकारि साख्रि आरो साख्रिनि खाबुफोर होनाय

जागोन। बेयाव 1.2 मिलियन सरकारि साख्रि आरो 3.8 मिलियन साख्रिनि खाबुफोर दं। आरजेडीखौ नोजोर होनानै बिथाइ बुंदोंदि, बि.जे.पि.नि थाखायनो मन्दल आयगखौ बारहोनाय जादों। जोबोद गोर्गलैसोनाय थाखोफोरनो थिखानाय होनाय जादों। बेखौ आरजेडी आरो कांग्रेसआ हेंथा होदों। बिहारनि रांबावजाया आबादारिफोर आरो लाइमोनफोरनि मोजांनि थाखाय। 2005 माइथायनि सिगां बिहारआ बायफलेलांनाय थासारियाव दंमोन, दा बिहारनि थासारिया सोलायगासिनो दं। ब्लकफोराव मैगं-थाइगंनि गलाफोर खुलिनाय जागोन।

दालिफोर बायनाय जागोन। गासैबो ब्लकफोर आरो दालाइ-खोन्दोफोराव कल्ड स्टरेज गायसन्नाय जागोन। 300 नि बांसिन डिग्री फरायसालिमाफोर खुलिनाय जागोन। मोनसे भेन्दिं जन सोरजिनाय जागोन। आइजोफोरनि थाखाय गुलाब गाबनि बास सालायनाय जागोन। पाटनायाव साखायाव जिमफोर खुलिगोन। 300 उफ्रा सावस्त्रि मिरुफोर खुलिगोन। मेडिके ल कलेजफोरखौ पि.पि.पि. मडेलनि सिडव गायसन्नाय जागोन। गुरु मिथाइनि थाखाय मोनसे साबसिन मिरु सोरजिनाय जागोन। मोनसे डाटा सेंटार बानायनाय

जागोन। नितिश सरकारआ बिहार खौ जौगासार खालामगासिनो दं। बे बोसोरनि फेब्रुवारियाव गाहाड़ मन्थि मदिआ बिहारनि भागलपुर आवावबो दावबायहैदोंमोन। बे दावबायनाय समाव गाहाड़ मन्थि मदिआ आबादारिफोरनो राइरि हेफाजाब होनायनि थांखिजों पीएम किसान बिथांखिनि 19थि क्रिस्ति फोसावदोंमोन। बिथाइ गोबां जौगालु मावथांखिफोरखौबो बेखेवदों। मिरु आबाद मन्थि शिवराज सिंह चौहान आरो गोबां मुंदांखा बि.जे.पि. दैदेनिगिरिफोराबो बे हाबाफारियाव बाहगो लादोंमोन।

मेघालय हान्जाया गार' हिल्सआव रेलवे नेटवर्क फेहेरनाय मावथांखिखौ हेंथा होदों

शिलं, 9 मार्च:

मेघालयनि गार' हिल्सआव रेलवे नेटवर्कखौ फेहेरनायनि थांखिखौ सिगाइव गिबि मन्थि कनराड के सांमाआ बरायदोंमोन। बेनि थाखाय दासान्दि खोला गार'हिल्सआव गोब्राब हेंथाजों मोगा-मोगि जानांदों। बेरेखा हान्जाया ओन्सोलारि फालांगिखौ बांहोनो थाखाय बांग्लादेशनि मोनसे लाइनजों लोगोसे रेलवे फोनांजाबनो थाखाय खोला गार' हिल्सनि साथाम एमएलएफोरनि सिगांनि खावलायनायजों गोर्गलयाखै। गिबि मन्थि कनराड सांमानो लिरनाय गांसे लाइजामाव ए.एइस.ए.एम.आ रेलवे लाइननि जाथावना फिथायफेरनि सोमोन्दै गिनाय फोरमायदोंमोन। जौगाथायनि थाखाय गावसोरनि मदतखौ रोखा खालामनानै आफादआ थोजासे रैखाथि गैयाजासे थागिबि हारिफोरनि थाखाय जानोहाथाव खैफोदफोरनि सायाव गोसो होदोंमोन।

एमएलएआ बुंदोंदि, 'जौनि गुदि जिगाया बायजोन सुबुंफोरनि होबथाजायै हाबफै नाय। मेघालयाव गोबां बिबांनि जायगा सोलायनायखौ होबथानो थाखाय मोनसे गोखों सामलायग्रा आदबनि आंखाल, जायनि जाहोनाव हारिसा-नडैथाखुलिफोर, आयेन बेरेखा हा दख'ल खालामनाय आरो जायगायारि फालांगिफोरा गोहोम खोख्लैजानो गोनां जायो'। ए.एइस.ए.एम.आ जुक्ति होयोदि, रेलवे फुवारनाया हायुं बारलांग्राफोरनि थाखाय गोर्गलैयै सौहैनो खाबु होगोन, जाय खोला गार' हिल्सनि सुबुं सानखोआरि नुथायखो सोलायहोनो हागौ। बिथांमोनहा थागिबि सुबुं अनजिमानि गावसोरनि हा, सम्फदफोर आरो हारिमुआरि सिनायथिखौ खोमानो गिनायनि जाहोन महरै सिमा आरो सोलिबाय थानाय आयेनफोरखौ लोरबां बाहायनायखौ दिन्थिदोंमोन। रेलवे मावथांखिखौ गोनांथि

खेब स्लगान होनाय जादों। आगुआवबो थानसालिफोराव गाग्लोबनाय जाथाय जाखंबाय। थानाय 3 आगस्त आरो 16 आगस्त, 2022 आव कुइन्स, निउयर्कआव श्री तुलसी थानसालि, 30 अक्टबर, 2023 आव साक्रामेन्ट'आव हरि अम राधा कृष्ण मन्दिर, 23 डिसेम्बर, 2023 आव केलिफर्नियायाव एस.एम.भि.एस. श्री स्वामीनारायण थानसालि, 1 जानुवारि, 2024 आव के लिफर्नियानि सान्ता क्लारायाव शिव दुर्गा मन्दिर, 5 जानुवारि, 2024 आव केलिफर्नियानि फ्रेमन्टआव श्री अष्ट लक्ष्मी थानसालि, 5 जानुवारि, 2024 आव केलिफर्नियानि हाभार्डआव भिजय का शेरवली थानसालि, 11 जानुवारि, 2024 आव

डबलिन, केलिफर्नियायाव श्री पंचमुखी हनुमान मन्दिर, 17 सेप्टेम्बर, 2024 आव मेलभिले, निउयर्कआव बि.ए.पि.एस. श्री स्वामीनारायण थानसालि, 25 सेप्टेम्बर, 2024 आव केलिफर्नियानि साक्रामेन्ट'आव बि.ए.पि.एस. स्वामीनारायण थानसालिफोराव गाग्लोबनाय जाथाय जाखंबाय। थानसालियाव खालि बुफाय-बुसि खालामनायल'नइ, हिन्दु बेरेखा आरो भारत बेरेखा पस्टरफोरबो लिरनानै फोसावनाय जादों। थानसालिनि इन्जुरफोराव हिन्दुफोर थांफिन आरो पि.एम. मदिजों सोमोन्दो गोनां स्लगानफोर लिरनाय जादों, जाय ओन्सोलारि हिन्दु सुबुं समाजनि गेजेराव जिगा सिनाय सोमजिहोदों।

4

बिलाड़

कक्राझार, समबार 1० मार्च, 2०२५

मुलुगनि समाइनासिन लाइमोन सिख्लाफोर नुनो मोनग्रा दरसे हायेन

बयबो सुबुंफोरा समाइना आरो लाइमोन नुजाबाय थानो हास्थायो। जायखि-जाया सुबुंफोरानो गावनि महरखौ जेब्लायबो समाइना आरो लाइमोन बैसोयावनो राफोदयै थाबाय थाजानो लुबैयो आरो बेनि थाखाय माखासे राहाबो आजावो। बुंनाय जायोदि, पाकिस्तानआव दरसे जायगा दङ, जेयव मुलुगनि समाइनासिन आरो लाइमोन आइजोफोर थायो। मिथिंगाया बेयाव औरैबायदि जादु खालामदोंदि, बेयावनि आइजोफोरा ६५ बोसोर बैसोयावबो गथ 'नि बिमा जानो हागौ। बिसोरो सायावल ’ समाइना आरो राफोद नङ, बिसोरनि देहायाबो गोखौं आरो बेराम-आजारावबो जोबोद बाङइ गोग्लैयो। हुंजा भेलनि सुबुंफोरनि सायाव खालामनाय रिसार्चआव मिबथिनो मोन्दोंदि, हुंजा भेलिया ग्लेशियारनिफ्राय गलिनानै फैनाय दैयाव गोबां मिनारेल्स एबा खनि मुवा आरो मोना। बिसोरखौ लानानै दाबि



दैखांनायबो जायोदि, बेयावनि आइजोफोरखौ ६५ बोसोर बैसोयावबो गथ 'नि बिमा जानो हागौ। बिसोरो सायावल ’ समाइना आरो राफोद नङ, बिसोरनि देहायाबो गोखौं आरो बेराम-आजारावबो जोबोद बाङइ गोग्लैयो। हुंजा भेलनि सुबुंफोरनि सायाव खालामनाय रिसार्चआव मिबथिनो मोन्दोंदि, हुंजा भेलिया ग्लेशियारनिफ्राय गलिनानै फैनाय दैयाव गोबां मिनारेल्स एबा खनि मुवा आरो एन्टिअक्सिडेन्ट थायो। जाय

मिथिंगानि खान्थिजों खाब जानानै थाना थाग्रा हुंजा जनजाति सुबुंफोरनि देहाखौ गाहामै लाखिनायाव मदत खालामो। लोगोसेनो बिसोरखौ समाइनाबो खालामो। बेयावनि हिन्जावफोराल ’ समाइना नङ, बे ओन्सोलाबो जोबोद समाइना आरो बेनि मिथिंगायाारि समाइनाखौ बुहुमनि सोगौं होन्ना बुंजानाय काश्मीरजों रुजुजायो। फारसेथिं हुंजा भेलनि सुबुंफोरनि हेल्डी लाइफ स्टाइल एबा साबजाथाव जिउखां हुदाया

बिसोरखौ जेब्लायबो लाइमोन नुहोयो। बिसोर फुंआव सान ओंखास्नायनि सिगां सिखारो आरो मोनायाव थाबै उन्दुयो। बिसोरो जानाय-लौनायाव मिथिंगायाारि मुवाफोरखौ बांसिनै गोनांथि होयो आरो मैगं-थाइगं, फिथाइफोरखौ जायो। पाकिस्तानआ बांसिन ना-बेदर जाग्रा हादत, नाथाय हुंजा भेलनि थागिबिफ्रेग बांसिनानो नन बेज एबा ना-बेदरखौ जोबोद खम जायो।

रजेनि सावगारि

आंनि गोसो बल बामआव नों बारसे गलाप बिबार थारै सान अखाफोर आरो बैसोमुथिजों रुजुयोब्ला नुवा जेबो फाराग।
रजे !..... नों आंगोनिबो आंगो बेयोदि आंनिल ’ नङ बयनिबो समायना बुहुम बिखायाव सोरजिनि!..... नों सुखु-दुखुनि थान्दै, सोमखोर गोथां मेगननि हाबिलायाव थारैनो होबोदों नों आंनो मिलौहाब बेरे बिदै रैसुमै खहाब।
रजे..... जिउनि जोबनो गैयै आगानाव गोजान खाथि हांखायो दुखु-हांमा हांसानि समाव दान्दिसे मोन्नो हास्थायो।
रजे..... थाफै नों जेरावखि जाया था नुफा-माफा साया-माया मिथिंगा बिखायाव सान-अखाफोर हाथर्खि-हालाफोरा जैरै रंगिना आबिरखौ सारफावदों रजे था दिदोम नोंबो अराय सम मिथिंगानि आन्दोयाव।

कमल मुछाहारी
गामि: खुंग्रिं, ला:सो: खुंग्रिं
जिल्ला: चिरां

जिउनि अनजालु

नों आंनि जिउनि मोदायजो अनजालु
मोजां मोनदोंमोन आं नोंखौल अनजालु
सानाखैमोन आं नोंखौ बिब्दि जागोन होन्ना।
अरायबो सानो आं नोंखौ आंगो
बावनो हाया आं नोंनि अन्नाय।
जाखां फैयो सिमां मोकथां जेब्लाबो
नोंनि महराल’ अनजालु नुफा-माफा,
जोंदि सानैजों बेसेबां मोजां मोनलायोमोन आरो
बेसेबां अनलायमोन आंगोनि साननानै।
आंनि गोसोखौ उसाव-बादाव
खालामबाय थाफैयो नों अनजालुआ,
नोंनि अननायखौ बोरै बावनो हाबावनो आं
अनजालु सिमां मोकथां जाखां फैयो नोंनि महर।
बुजिसनो हायासै आं अनजालु मानि थाखाय
नों आंखौ मानो बावगार लांखो।
गोरोन्थिआ आंनि नङ अनजालु नोंनिसो
गोसोखांब्ला फार्लि बायदि जायो आं
अनजालु आंनि बे हास्थायनाय गोसोआ
आंनि जिउनि मोदायजो अनजालु।

मिस सानसुलि बसुमतारि
गामि-गाग्रगुरि
जिल्ला- कक्राझार, बिटिसि

हावरिया खाफाल

आय जिउ नोंनि बेसेबा दुखु-दाहा हांमा बुंस’ हाया फोरमायस’ हाया नोंनि जिउ दैथुनखौ।
हास्थायनाय दंमोन नोंहाबो दिनैनि मुलुगुआव आगान सुरलानो मिजिंक दंमोन नोंहाबो गंसे दिङ जावलांनायनि, नाथाय गैया दिनै...
आगोनफ्रोम दुखुनि फाखनाव गिदिंनाबाय मिजिंकखौ लानानै आलाइ-सिलाइ।
नागिर बायो नों गुबुननि साया गैया नाथाय नोंजों लोगोयाव मोनाखैसे नों सुखुनि दंखो
खुसिनि मेथाइ, खालि नुबाय नों गावजों गाव नासयनाय, मुगैलायनाय गाबनाय दुखु दाहानिल’ दंखो।

जनन कुमार बसुमतारि
गामि: सा थाइगिरगुरी(खुंग्रिं)

‘लांगोना सेराव’

लांगोना सेरावनि बिफां सायाव दुब्रि हाग्रा लेमस्रो लेमस्रो सायाव जिरायना थानाया हाबाब! सैनाय नों सोर जाखो ?
थानायनि फैनायनि नुबाय थायो आं नोंखौ जज्बाय थानाय।
सोरांफा माफानो नुयो आं नोंखौ लांगोना सेरनि बिफां सायाव;
दुब्रि हाग्राखौ मोनगु होलायनाइ सैनाय नों सोर जाखो!
दाउखौऔ गाबफैदों बिफांनि दालायाव बानानै। गोदान रादाब दंनामा सैनाय नोंहा सोरबा जोहोलावनो खौरां होनो ?
मानोथो थाबाय थादों नों हारसिडै ;
राव गैया फंसेबो मिनिनाय गैया नोंनि गुस्थिआव, हाबाब ! सैनाय नों सोर जाखो ?
जयमती, गाम्बारि सिख्ला, सिता आरो हादर अनफावरि बेलस्री सिख्ला बायदि नङ नों। हाबाब!
सैनाय नों सोर जाखो... ?
महरा बनि सोमज्रोज्रो नरें सु गन्थं, मेवा आदै, थब्ल देन्थानि आखाय, दाउखा बिदै खानाय, मोज्लाइ जान्जि हाबाब ! सैनाय नों माइया आइजो नङ थ... ?

मुस्त्रि बिसनाथ मुसाहारि
ला:सो:- मालिपारा, बिजनी
जिला-चिरां , बिटिसि आसाम

रंजालि गथ’फोरनि सौरा

नों गोसो थानायाव सोरजिबाय था

नों गोसो थानायाव सोरजिबाय था खन्थाइनि थिलिआव मेंनो नाङ

नों गोसो थानायाव अराय बोथोर सोरजियाबा माला सोरजि बावनो

जा समाव जा सानस्त्रि बिलिर फैनाय बेखौनो नों रेबै रेबै दोनलां

नों रेबनाय खन्थाइखौ सोरबा सोरबा जोबोर मोजां खन्थाइ रेबदों बुङे

नों खालि लोरबांथि जानो नाङ मा खन्थाइ रेबबाय थायो बुंवाबो

दं सोरबा अनसायनाय नोंनि खन्थाइ नायथायनाय नों अराय बाराय आगान

नों सानसे बेखौनो गांसे बिजाब दिहुननानै आगान गालां हागोन

रैदोम बर’ , बाक्सा

दोंथाम लिमारिक

(क)
गंगा हलाव बर’ सिनिमा जादों,
सेंग्रा सिख्लाफोरा उरां फारां जाथारदों,
ओंखाम उखैया दैबो गाङ जाथारदों
माब्लादि जरा जरा आखाय हमज्लायना-
सिनिमा हलाव सिनिमा नुगोन,
बिनिसो अराय सानथारलायसै।
(ख)
साफारा गाम्निनि फेंखु दाखं,
थाबायनाया बनि दाखं-दुखुं
हिन्जावखौ गोसो थोगारबाय
बियो बात्रि आवला-
दसेनो गोसो थोब्रबो, दसेनो गारखबो-
रावजोंबो मोजां बुंजाला गावनि आखलावनो
सिख्लाफोर नुब्लाथाइ-
बार 'स 'नि फनखौ दिहुनप्लग्रा
(ग)
जों लागोनि सामा गोरान
सोलेरा बनि थैहां-बर 'हां
सिकुरिटि गार्डआव इन्टारभिउ होदों-
गोजौआव मोफौ गाहायाव बाहागो
जागोनखि-जाया-
बिफानाव रां दाबिदों बा रोजा रां
बिफाया खिलामा गावब्राबाय
फिसाज्लाया बाखु दावबाय।

मुस्त्रि मैखोम दैमारि
खासफुर (हालांबाजार)

थांखि

सानदोंमोन आं आंनि गोसोनि खोथाखौ फोरमायनो,
सानदों आंबो सासे मोजां मानसि जानो
सोंनायखौ सोंदोंमोन इशोरनाव,
अन्नायखौबो बिदोंमोन इशोरनाव
सोंनाय सोंनायखौ आं सोंबाय,
अन्नाय मोन्नायाव आं फेलें जाबाय।
सानो आं आंनि गिदिर गोलाव जानो
सान्नायाबो फेलें जागोन दां,
सोंदोंमोन आं बे सोंनायखौ इशोरनाव
आंनि सान्नाया बुङे आं जेब्लाबो
सासे मोजां मानसि जानो हागोन,
बेनो जादों आंनि थांखि।

थरायना रैसुमै नाजरि
ला:सो:-मागुरमारी
जिल्ला:-कक्राझार (आसाम)

बावनो हाया

मिथिंगानि बे बुहुम बिखायाव नोंनि हाइलोलो महरखौ नुनानै,
आं माबोरै बावनो हानो,
नोंनि बे फेलेंबसे अन्नायानो
आंनि गोसोखौ खामग्लि होबाय,
आय ’ सिख्ला सोर नों ?
नुहां-नुवाहां बेरे सिखिरिफोर बायदि
हाइला-हुइला मोसाफैयो नों
आंनि बिखा गोरबोयाव।
गोसो सिंनि दावहाथिलियाव
नोंनि बे मोजोमसे अन्नाय,
आंनि बे गोसो गोरबोयाव
दान्दिसेनि थाखायब्लाबो
नोंनि बे अन्नायखौ
बावनो सानब्लाबो बावनो हायाखै
आंनि बे जिउखौ
फैमाल दाखालाम नों।
माबायदि बिष सोनानै होलांखो
आंनि बे गोसो गोरबोयाव
सहायनो हायाखिसै आं
नोंनि बे फेलेंबसे अन्नायखौ
आय ’ सिख्ला सोर नों ?

मुस्त्रि गुथाल बर’
दतमा गोजौसिन फरायसालि

दावगालांदो बर’ हारि

दावगालांदो बर’ हारि,
गोदोसोनाय हारिखौ बोखांदो
खालामदो बर’ हारिनि सिनायथि।
गिनानै रावबो फावसयना थानो नाङ,
बर ’ हारिनि गेजेराव फोथायनायखौ ला।
जान्जि खाफ्रानानै बोलो फोरानानै
सुथुरफोरखौ बेंथाहैदो,
नङब्ला हारिया बयजोंबो नेवसिजागोन।
हारिनि थाखाय गावनि देहानि
थैखौ दै खालामनानैब्लाबो,
हारिनि थाखाय जिउ बाउदो।
जौखांहोदो सानसे हारिखौ
दुखुनांथाव हारिखौ सोराङव लाबोदो,
दावगालांदो बर ’ हारि।

थरायना पृथ्वी ब्रह्म
गामि- गाम्बारिबिल

बादारी

मेंसुला आय’ नोङे
बादारी खानानै नाव
माथो दङ नोङे उन्दुनानै!
सिखांदो बादारी, सिखांदो नोङे,
मेंसुला नोंहादि साना गैलिया।
बिरबोगौ जोमैया
खोमसिया साग्लोब बोगौ।
सिखांदो उन्दुनो समा गैलिया।
नुदों नोङे आय’ गाथोन सेराव,
गोमोहाब गोसोजों सिमां बेसे,
नाथाय हालिया, जानाय नंलिया
सिखांदो उन्दुनो समा गैलिया।
फोजा खांदो फोरजा फिसाफोरखौ
जिउखौ गथायना बारसोमहैदो
दाफासय सुथुरखौ नुनानै,
सोमखे दाखालाम बर’ बिमाखौ
सिखांदो बादारी उन्दुनो नोंहा सम गैलिया।

सोमखोर बसुमतारि
गामि: धहोनगुरी
जिल्ला: कक्राझार

आनदाय नांबाय आं

गैया आंहा दा जिउआव
सासेबो थार लोगो
मानो बावलांखो सनामोन
नोंसोर आंखौ.... ?
गैयामोन आंहा नोंनिसिम अनगा
रावबो लोगो नोंसोरनो आंनि
थार लोगोमोन रन्जिथा, रैसना
मन्जिथा नोंसोर मानो आंखौ
गारलांखो.... ?
मालायफ्रा सानोमोन जोंखौ मोजां मोनलायो
जानांगौ नोंसोरबो बिसिनि सान्नायखौ
गात्रि मोन्दों नाथाइ नोंसोर आंनो
मानो फोरमायाखै.... ?

मुस्त्रि जहज बसुमतारि
कारिगाव बाजार

तेलेंगाना खैला गुदुं जाब्रथायाव बोखांनाय हाबाफारिया सोलिगासिनो

नगरकुरनुल, 9 मार्च: तेलेंगानानि दै जगायथाय मन्थ्रि एन. उत्तम कुमार रेड्डीआ मावख'यारिफोरखौ खावसे गोग्लैनाय श्रीशैलम लेफ्ट केंक केनेल (एस.एल.बी.सी.) सुरंग सिडव रैखाथि हाबाफारियाव रबटफोरखौ बाहायनो बिथोन होदों। जाथायनि उनाव रैखाथि हाबाफारिया सोलिगासिनो दं। खहा जानाय टानेल बरिं मेसिन (टी.बी.एम.) नि थुखाफोरा रैखाथि मावथिफोरनि थाखाय खैफोद सोमजिहोदों। बेखौ नोजोर होनानै दै जगायनाय मन्थ्रिआ बेफोर बिथोनफोरखौ फोसावदों। सुरंगनि मोनसे बाहागोआ बायनायनि उनाव 22 फेब्रुवारिनिफ्रायनो सा 8 सुबुंफोरा टानेलआव थाबथाना दं। मन्थ्रिआ सोलिबाय थानाय रैखाथि हाबाफारिखौ नायबिजिरनो थाखाय थावनियाव दावबायहैदों।



बिथाड बुंदोंदि, सरकारआ हाइद्राबादआव थानाय मोनसे गावयारि कम्पानीनि रबट रोंगसाफोरनि सिबिथायफोरखौ बाहायनानै रैखाथि हाबाफारियाव ब्रै कौटि रां खरसा खालामगोन। मोनसे मावख'यारि बिबुंथियाव मख'नाय जादोंदि, गिदिर टीबीएमनि थुखाफोरा सुरंग सिडव दै, हा आरो अन्थायफोरजों गलाय-मोनदेर जानायलाय, बेफोरो रैखाथि

हान्जानि थाखाय खैफोदनि जेंना जादों। गिबि मन्थ्रि ए. रेवन्थ रेड्डीआ 2 मार्चखालि सुरंगखौ नायदिहैदों। बिथाड रैखाथि हाबाफारिखौ दैदेन्नाय मावख'यारिफोरनो बोसोन होदों जुदि गोनांथि जायो अक्ला रैखाथि मावफारियाफोरनि रैखाथिखौ रोखा खालामनो थाखाय सुरंगनि सिडव रबटफोरखौ बाहायनांगौ। दैजगायथाय मन्थ्रिआ

सुरंग गोग्लैनाय जाथायखौ मोनसे हायुडारि खैफोद महरै बरनाथनानै बुंदोंदि, सरकारआ रैखाथि हाबाफारिखौ सोलिहोबाय थानो थाखाय थिरांथा लादों। सुरंग सिडव थानाय टी.बी.एम. आ खहा जादों। रैखाथि हान्जाया थाबथानानै थानाय सुबुंफोरनिसिम सौहैनो थाखाय बेनि माखासे बाहागोफोरखौ दानस'गासिनो दं। मन्थ्रिआ

हलीआव इउपिनिफ्राय पान्जाब-हारियानासिम अखा हानो हागौ, माखासे जायगाफोराव बारबो बारनो हागौ!

गोदान दिल्ली, 9 मार्च: दिल्ली एन.सि.आर.जों लोगोसे गासै सा-भारतआव बोथोरा गोखैयै सोलायगासिनो दं। बावैसो सान सिगां दिल्ली एन.सि.आर.आव जोबोद गुसु बार बारदोंमोन। बबेखानि थांनाय साननैसोआव बारा खमायदों, जायनि जाहोनाव बोथोरा गुदुं जानो हमदों। आइएमडिआ बोथोरनि सोमोन्दै गोदानसिन आपडेट फोसावदों। बोथोर बिफाननि बायदिब्ला, दिनै दिल्लीनि बिदुड 1 निफ्राय 2 डिग्री सेलसियाससिम बांनो हागौ होनना साननाय जादों। दिनै दुंथाया 32 डिग्री सेलसियाससिम बांनो हागौ। बेजों लोगोसे बाडइसिन बिदुडबो 13 डिग्रीनिफ्राय 15 डिग्रीसिम बांनो हागौ। बोथोर बिफाननि बायदिब्ला, दिनै रबिबारखालि पान्जाब, हरियाणा, सा उत्तर प्रदेश, सा बिहार, सोनाब बेंगल आरो सा-सान्जा भारतनि दुंथाया 25 निफ्राय 30 डिग्री सेलसियासनि गेजेराव थानो हागौ। बोथोर



बिफानआ बुंदोंदि, मोनसे गोदान सोनाबयारि नारसिन्थाय एक्टिभेसनआ हिमाचल प्रदेशनि बोथोरखौ गोहोम खोख्लैगोन। फैगौ 5 साननि गेजेराव हिमाचल प्रदेशनि गोबां ओन्सोलफोराव अखा आरो बरफ गोग्लैनायनि आसा दं। दिनै कांगड़ा, कुल्लू, किन्नौर आरो लाहौल स्पीतिनि गुबुन-गुबुन ओन्सोलफोराव एसे अखा आरो बरफ गोग्लैनो हागौ, जायनि जाहोनाव बिदुड आरोबाव गाहायाव फैनो हागौ। 9 मार्चनिफ्राय 14 मार्चसिम

जम्मु-काश्मीर, लाहाख, हिमाचल प्रदेश आरो उत्तराखण्डआव गोसारद्लानायनिफ्राय रोजा अखा आरो बरफ गोग्लैनायनि आसा दं। बोथोर बिफाननि बायदिब्ला, पान्जाबआव 12 निफ्राय 14 मार्चसिम रेजेंनिफ्राय गेजेर थाखोनि अखा हानो हागौ। बेनि अनगायैबो 13 आरो 14 मार्चआव हरियाणा, सोनाब उत्तर प्रदेश आरो दिल्लीआव अखा हानायनि आसा दं। हलीआव सोनाब इउपिआव एसे अखा हानायनि थाखाय एलार्ट

फोसावनाय जादों। आधिखालाव राइज्योनि बोथोरआ दिनै स्वां जानो हागौ। राजस्थानाव बिदुड अरायसम बांगासिनो दं। राइज्योनि बांसिन दुंथाया 35 डिग्रिखौ बारबाय। शनिबारखालि गुदुंसिन नोगोरआ बाडमेरमोन, जेराव बांसिन बिदुड 38.6 डिग्री सेल्सियस रेबगान्थि जादों। बेनि गेजेराव संगरियाया बयनिखुइ बाडइसिन बिदुं 8.1 डिग्री रेबगान्थि जादों। मिजिं थिनाय जादोंदि, फैबाय थानाय ससाहायावबो राइज्योआव बोथोरआ रानस्त्राव थागोन।

बुंदोंदि, सरकारआ रैखाथि हाबाफारियाव बाहागो लानाय मावसुमाफोर आरो मावख'यारिफोरजों आबुडै गसंफागोन। 22 फेब्रुवरिनिफ्राय इन्जिनियारफोर आरो मावसुमाफोरजों लोगोसे सा 8 सुबुंफोरा एस.एल.बि.सि. मावथाखि सुरंगआव थाबथानानै दं। एन.डि.आर.एफ., भारतयारि रैनिया, दैसांथ्रि हान्जा आरो गुबुन एजेंन्सिफोरनि रोंगसाफोरा बिसोरखौ रैखाथियै रैखा खालामनो थाखाय अरायसम खामानि मावगासिनो दं। एस.एल.बी.सी. सुरंग सिडव सैमा हान्जाया मोननै जायगाफोरखौ सिनायथि होदों जेराव सुबुंफेरा थाबथानो हागौ। रैखाथि मावफारियाफेरा सैमाफेरजों सिनायथि जाना यथि जाना य जायगाफोरनिफ्राय दाखोर-दालाफोरखौ बोखारगासिनो दं। केरेला पुलिसनि सैमा हान्जाया शुक्रवार फुडव अपारेसनआव बाहागो लादों। बे सैमाफोरखौ गोमानाय सुबुंफोर आरो गोथै सहफोरखौ नागिरनो थाखाय फोरोंथाय होनाय जायो।



थागिरिफोरा साखा-फारा जानो गोनां जादोंमोन। बारहुंखाया राइज्योनि राजथावनि ब्रिस्बेनआवबो सौदावहैदोंमोन, जायनि गोहोमआ खोला नसुडारि निउ साउथ वेल्सआवबो मोन्दांदोंमोन। गाहाइ मन्थ्रि एन्थनी अल्बानीजआ बुंदोंमोनदि, क्वीन्सलेन्ड आरो सा निउ साउथ वेल्सनि थासारिया हरखाब दै बाना आरो गोखों बारनि जाहोनाव जोबोद गिखंथावमोन। अस्ट्रेलियान ब्रडकास्टिं कपरसननि जानानै केनबेरायाव फोसावनाय मोनसे बिबुंथियाव, अल्बानीजआ बुंदोंदि, 'फैबाय थानाय

सानफोराव गोबां अखा, बारहुंखा आरो बेरिमायारि गुथालफोरा सोलिबाय थानो हागौ।' हादरनि बोथोर बिगियान बिफानआ बुंदोंदि, रबिबाराव गोबां अखा हानो हागौ, जायनि जाहोनाव हरखाब दै बाना जानो हागौ आरो ब्रिस्बेनजों लोगोसे क्वीन्सलेन्डनि ओन्सोलारि मिरुफोर जेरै इप्सविच, सानशाइन क'स्ट आरो जिम्पीखौ गोहोम खोख्लैनो हागौ। बिउर'आ गावनि वेबसाइटाव फोरमायदोंदि, राइज्योआव घन्टासेआव 90 किल'मिटर (घन्टासेआव 60 माइल) सो गोखैथिजों बारहुंखा बारनो हागौ।

गवा पुलिसआ 11 कौटिनिबो बांसिन बेसेननि ड्रागस जब्द खालामनो हादों



पानाजि, 9 मार्च: गवाआव 11.67 कौटि रॉनि हाइड्र'पनिक हाग्रा लाखिनायनि दायव सासे सुबुंखौ हमनाय जादों। पुलिसआ दाबि खालामदोंदि, बियो गवानि जारिमिनाव बयनिखुइबो देरसिन फेग्रा मुवा जब्द खालामनाय जाथाय। पुलिस क्राइम ब्रान्सनि सासे बुंथिगिरिया बुंदोंदि, बि सुबुंखौ शनिबारआव पाणाजी आरो

साइकट्रपिक साबस्टेन्स (एन.डि.पि.एस.) एकटनि सिडव मोनसे गसर थिसन्नाय जादों। पुलिसखौ बाख्यानानै गिबि मन्थ्रि प्रमद सावन्तआ एक्सआव मोनसे पस्ट होनानै बुंदों, गवानि बयनिखुइ देरसिन ड्रागस बस्टनि थाखाय क्राइम ब्रान्स गवा पुलिसखौ बरायदों! बिथाड आरोबाव बुंभावदों, मोनसे गेदेर जाफुंसारनायाव

क्राइम ब्रान्सआ मोनसे ड्रागस रेकेटखौ जाफुंसारै फोजोबस्त्रांदों, जेराव 11.67 कौटि रॉनि 11.672 कि:ग्रा: हाइड्र'पनिक हाग्राजों लोगोसे सासे सुबुंखौ हमनाय जादों। बेयो जॉनि राइज्योखौ फेग्रा मुवानिफ्राय उदां लाखिनो थाखाय जॉनि आयेन बाहायग्रा एजेंन्सिफोरनि मेंनो रोडैनाजानायनि फोरमान। गिबि मन्थ्रिआ बुंदोंदि गवा सरकारआ फेग्रा मुवाजों सोमोन्दो थानाय केसफोरनि सायाव लाथिख' सहायनो हानाय खान्थिनि थाखाय थियारि आरो लाइमोनफोर आरो समाजनि रैखाथिखौ थि खालामनो थाखाय इन्टेलिजेन्स नेटवर्कखौ गोखों खालामनाय जागोन आरो नायदिंनायखौ बांहोनाय जागोन। बेयो मख'जिथाविदि, हाइड्र'पनिकसआ मोनसे रोखोमनि आबाद जाय मोनसे बानायनाय आबहावायाव हा गैयाजासे दैनि सायाव बिथा खालामनाय खनिज जाग्रा आदार गलायनाय बाहायनानै खालामनाय जायो।

हुंद'सल' रनजय नारजारी

जामबानि आखु

बिसमुरिनि साहा 3 कि:मि:गोजानसोआव मोनसे फिसा समयना गामि दं। बे करफाफारा। गोदोनि आबै आबौमोननि खुगानिफ्राय खोनानाय बादिब्ला बे गामिआव गोदो बारा नखर गैयामोननो। गंभ्रे गंभा नखर दंमोन। बेनिफ्राय बे गामिर्न मुडा करफाफारा जादोंमोन। मानि गोबां मानसिफोरा बुडोमोननो करफा करफि जायगा बे गामिनि मुंखौ बे गामिननि मुंखौ करफारा दोननांगौ होननायलाय दा करफाफारा जाबाय। बे गामिनिनो सासे जागाबा मुं दंमोनलाय। मुडाबो जाम्बा मानिआबो जाम्बाखा। बेनि थार जाथायखौनो आं ससे रायजो राजनो खिन्थानो। जाथाया ओरै गोदो बिसमुरि बासबारि एबा उन्दुगामिनिफ्राय गोबां हौवा हिनजाव मै जानो थाडोमोन। बे मै जाहैनायनिनो मोनसे जाथाय।

करफाफारा गामिनिफ्राय गोबां हौवाफ्रा। बोसोर गोदाननि(बैसागुनि)मै जानो थांदों। जाम्बायाबो फुं आद्रा आद्रिआवनो मै जानो ओंखारफादों। गाव गावनि जानागौ जोमनांगौ मुवाफोरखौ लानानै गासैबो रायजो राजाया गासैबो ओंखार लांबाय सिखोना जाहारआव मै जानो। नाथाय मै जाग्रा मानसिफ्रामाब्लाबाबो सिखोना जोहोलावनि थानसालिजों थाड। मानोना बे थानसालिजों थाडोब्ला मै जानो थांब्लाबो मैखौ मोना। आरो जेआव नांबाबो ओरैनो गयो आरो बदर बेंगा सिलायजों गावबाबो नांबाबो थैया। मानिगुलि नांजानानै थै रना रनि गनाय मुफुराबो थैया, सं दानब्लाबो मोना। दासिमबो बिदिनो बे जायगायाव मै अमा मोना। मानसिफ्रा दासिमबो बे

जायगायावखेराय फुजा हैबाय थायो। बेवहायनो जाम्बाया मोनसे रागा जोंनायाव मिनिथावा जाथाय जादों। जेखौ सोरगिदिं सोंनानै बयबो सेर सेर सिखा जं बोरला फाथिना मैया बोरै खारबोगोन गावहबा गाव रिदि जाखानाय दं। मेनगनि नोजोरा फेसानि नोजोर। जाम्बायानो संआव हाबदों। हारसिडैराव गैया भावगैया खेम ख्राम गोमलायनाय दानबोबाय। ओजों सासे जायबा गावबुरा मुंनि मानसिआ मै नंनानै बोरलाजोम फ्राद गावनायसै सोदोब फैनायथिंङै ओजों जाम्बाआ थिर नांजानानै बावदावनानै जाबाय जाबाय आधिंआवनो होनगासिनो दं। ओजों माखासे मानसिफ्रा जाम्बानि रवखौ खोनानै बयबो नांबायनो, मोनबायनो होननानै रंजानायसै दावराव जाखांथारनायसै। बयबो बेसे

गिदिर मैना अमा होनना खारबोनायसै। खारबोना खाथिआव थाफैना नुबाय जाम्बानि आदैअवसो बोरला थिर गंसे हाबना थै रना रनि गगासिनो दं। बयबो नुफैना सोरबा ग्लाब ग्लाब मिनिबाय, सोरबा सोरबा जाम्बाखौ आबाद खालामबाय नायना गावबुराया बयनिबो सिगांआव बुंनायसै, ओंसो मै नंना छ्राव-छ्राव सोदोब फैनायखाय, माथो जाम्बासोलाय होन्ना। बेबो उदैबिगुर सालायनाय मिनिबाय। जाम्बाखौ सासे साइखेलजों नारनानै लाबोबाय गावसोर बादा थानायाव। जाम्बाजों लोगोसे ओंखाम संनो फैफाबाय गोबां मानसिआनो मै होनो 7 नं हाग्राय थांबाय। जाम्बाया साइखेल सायावनो नोगोर हासुनो ओंखार खांदोंमोन। उनाव बादा मोनफैना नै हासुनो जस्लंनायसै खुसंग्रा खुरनाय गुदुंडाव। जाम्बाया जेरावखि थाड गाव हासुनो ओंखारबा गुदुं नागेरखायोमोन। मानि गुदुंडाव

हासुसननो जोबोर मोजां मोनोनो। बिदि जस्लंनानै मोनसे गुदुंआव हासुबाय थानायसै। लोगोफ्रा मा जाखो मा जाखो होनना सोंनायसै। गावबा गाव हासुनायनि जाथायखौ लोगोफोरनो खिम्थाजोबनायसै बयबो गोबां मिनिनायसै। आ नायै बयबो मै जाग्रा गोजा उलथापानि फासै थांनायसै। थांखिआ गारि गाखोनाय न'आव फैनाय। हरना गुरना फैनाय बयबो जोबोर ओंखाम उखैनायसै। सासे मानसिआ ओंखाम उखैनायखौ सहायनो हायैनि जाम्बाखौ बुंनायसै थां जाम्बा बैद'खानाव रुति दंना गैया सोंहै थां जाम्बाया थांनायसै सोंनो। दकानदारा नेपालि बुरिमोन। जाम्बाआ थांनानै नेपालि बुरिखौ बुहैनायसै? दकानदार रुति आसे? नेपालि बुरिआ गावनि रावजों बुंनायसै स' (बर'रावआव दं होननाय जायो) बुंनायसै जाम्बाआ बुजिबाय मा गोग्लैजोबबाय। स' होननाय खोनाय लोगो लोगो गावबा गावनि लोगोजों

फैना खिन्था फैबाय गैयानो दहायनो स' गोग्लैजोबयनो होनानै। बेबो नंगौ सानबाय। दानिआ मा जाखो आसाम बन्धनि गारि गैया बयबो उलतापानिनिफ्राय थाबाय जोबबाय। थाबायै थाबायै 7 नं हाग्रा हाजोखौ मोनफैबाय। मेंबाय, दै, गांबाय सरगाव जिरायबाय। हाग्रायाव सासे नेपालि लावखारा मोसो गुमगासिनो दंमोन। थायबा गावबुराआ जाम्बाखौ गारि दंना गैया सोंहै नो थिननायसै। बेबो थांनानै सोंनायसै। यै दाजु गारि कयदिन गगेग हो गारि कयदि गगेग होनना सोंनायसै। नेपालि लावखारा आन्दायना बुजियैनि म' जानडाइना बुंनायसै। जाम्बानिब्ला गारिआ सानबैसे बन्ध होनना बुंनाय जादोंनो नेपालिनि रावयै बयबो जाम्बानि जाउलिआ बावलिआ रावखौ खोनानै मनिजोबनायसै। सोरबा सोरबा उदै बिगुर सानानै उन्दुनायसै सरक सायवनो।

ओइ! गोरबोनि अनसुलि रजे माखौ लानानै नों एसेबां जिंगा, आंखौ लानानै मा सिमां नुदों? जिउआव आंहा मा सिमां दं सानायनि लैथोयाव एसेबां गबना थायो नों? नोंनि दावगाफु जिउखौ आस'खान्दा दाखालाम अब्ला नोंखौ थैनाया लोगो लागोन। आंनि सोरगिदिं जैरेबो सुथुर; नोंखौ आं जेबोला लोगो मोनो अब्ला गोरबोआ आंनि गाबखाडो, नोंनि बे जोमै सागलोबनाय महर मोखाडव। सानो आं फंसे राव होगौबा होगौबा नाथाय, नोंबो बिखा गावो, खुगाया गेवया आय' हाबाब!.....। हास्थायो आंखौ नों, एसेबां सुथुरनि गेजेराव। आंनि गोसो मेगनजों सानबोला नों एसेबां अनसुलि, अनथावथाव नोंनि आंखौ हास्थानाया बेसे सैथो, आंबोथ' हास्थायो नोंखौनो, नाथाय आंसो सुथुरनि गेजेरनिफ्राय बरग'नो हायाखै। आं मिथिगौ नोंहाबो हास्थायनाय, लुबैनाय दड आरो नेगासिनो दं, नों आंखौनो जिउनि अनजालु महरै सुखु-दुखु सहायनानैब्लाबो।

-दिगट लावारी बड'स राबो भंगपु, बाक्सा

एस रामपुराह, बिगियानगिरि ओ बापि पाल आर ओ पुराबि शङकिया । बे खेबाव, राङ्ग्योन थामथि गोजोसिन नोनोगोरि समन, आसाम गौरब बान्थाखायि गासै स 15 सुबुंफोरनो होनाय जादों । आसाम गौरब बान्था-
 गोनगिरिफोरनि गेजेवर लखिमपुरनि फुलेखोरी दत्त द, जाय शिगुन दाबनि रेखाथिय थाखाय मुतुनगिरिफोरनि
 सिनायथि मोनोनो हादों, लोगोसे बाइक राइङर पिमांशि दास, महरगिरि धिरेन्द्र नाथ पाल, आइएसएल
 गेलेगेरि पार्थ सुन्दर गगै, बिरां तेरन, शिबपुर जिल्लानि नजरूल हक, जरहातनि लाइमोन बिश्वजित बरा,
 बजाल्लिनि गाइखेर फालांगिरि भारत कलित्ता, बरलासफा नाजारी आर उपमन्यु बरकाकनिनो होनो राङ्ग्योन
 सरकरा फोसावदों । बेजों लोगोसे, राङ्ग्योन सरकरा साहा हरिनि दैदनगिरि राम चाचनिनो आसाम गौरब
 बान्थाखायि फोसावदो । बे समावने, राङ्ग्योन सरकरा आबहावा आरो ह्यागनि जिव-जुनार रेखाथिय थाखाय
 मोनथाम फोसावदो – चरेन एएम, इक’ डेपलमेन्ट स’साइटि आरो हस्ति बन्थिनो बे बान्थाखायि फोसावो ।

गाहाम देहानि राहा

स्पेशेल आयुर्बेदिक ड्रिंक्स, बेखौ लौंनायजों देहायाव डिटक्सखौ बांहोनायाव मदत मोन्नो हायो

बडिनो डिटक्सखौ बै समाव गोनांथि जायो जेक्ला हेल्दी नडै फुडखौ जानायनि हुदाजों जौनि देहायाव टक्सकआ जमा जायो। बे टक्सनफोरखौ दिहुनो थाखाय जौनो जायखि-जाया रोखोमनि ट्रिटमेन्टनि अनगायै नख'रारि राहा बाहायनानै टक्सनफोरखौ देहानिफ्राय बाइजोआव खालामनो हायो। जर'खा महरै टिवानि एबा फे स्टिभेल सिजनआव गोदै मुवा बेसादफोर आरो फ्राइड फुडआ देहानि थाखाय गोबां गिथावनआ जायो। गात्रि जाया आदार जानायजों देहाखौ मोजाडै लाखिनो हानायनि अनगायै माखासे बेरमिफोरनि जेंनायाबो बांहोयो। बेबायदियाव नोंथाड दिवालीयाव डिटक्स ड्रिक्सखौबो लौनो हागोन।

(1) ककनाट वाटारआबो देहानि थाखाय गोबां मुलाम्फा गोनां जायो। ककनाट वाटारजों बडिआ डिटक्स जानायनि अनगायै बेयो देहानि थाखायबो गोबां मुलाम्फा गोनां जायो। ककनाट वाटारआव गोबां गुनफोरा



थायो। जाय नोंथांखौ एक्टिभ दोननायनि थाखायबो गुनफोरा थायो, जाय नोंथांखौ एक्टिभ दोननायनि थाखायबो गोनांथार जायो। डिटक्स टीआबो देहानि थाखाय गोबां मुलाम्फा गोनां। नोंथाड बाइजोनिफ्राय डिटक्स टीखौ बायनांगौनि गोनांथि गैया। नोंथाड न'आवनो डिटक्स टीखौ बानायनो हायो। बेनि थाखाय मोनसे बरनआव खापनै दै लानानै बेखौ गोदौ होनांगौ। बेनि उनाव बेवहाय दाल चिनि, हाइजें, गुर, उसुमै फोरननाय, तुलसि बिलाइ, मस्ला फिथाइ, इलाइचि, सौफ, एजवाइनखौ लगायनांगौ आरो गोदौ होबावनांगौ। फारसेथिं बेखौबो नोजोर होनाया गोनांथारदि बेखौ एसेल' अरजों गोदौ होनांगौ। 10-12 मिनिटनि थाखायल'

बेखौ फोमोननांगौ आरो उनाव सरनानै बेनि बिदैखौ उदै खालियाव लौनांगौ। (3) पुदिनायाबो देहानिफ्राय टक्सकखौ बायजोआव खालामनायाव गोबां मुलाम्फा गोनां। नोंथाड मिन्ट वाटर बानायनो थाखाय गिबियावनो गेलास नै दैखौ दुंबुदयै फुदुंनालाप्रोनांगौ। बेनि उनाव 10-12, बेवहाय पुदिना बिलाइ आरो मस्ला फिथाइखौबो होनांगौ। 7-8 मिनिट गोदौ होनायनि उनाव बेखौ सरनांगौ आरो लौनांगौ। बेजों बडिआ डिटक्स जानायनि अनगायै देहानि डाइजेसनआबो मोजाडै थायो। (बेखौ बाहायनायनि सिगां डास्टारनियाव सुबुरुन लानांगौ।)□

राज कुमारनि फिसाज्ला पुरु राज कुमारआ कएशियान मडेलजों जुलि जादौमोन



राज कुमारआ गावसिनि समनि सासे सुपार स्टारमोन। बिथांआ माखासे हिट सावथुनफोराव खामानि मावदों। बिफानि आगानजोंनो आवगायलांनाय बिथांनि फिसाज्ला पुरु राज कुमार आबो एक्टि के रियार बानायनो सान्दोंमोन। नाथाय बिथांआ गावनि बिफानि बायदि मुं आरजिनायाव जाफुंसार जानो हायाखै। बिथांआ माखासे सावथुनफोरनि उनाव थाबेनो सिनेमानिफ्राय बिदाय लायो। जों दिनै सावरायगोन पुरनि पार्सनेल लाइफनि सोमोन्दै।

बिथांआ कएशियानि सासे मडेलजों जुलि जादों। सानैजों गोबाव समनिफ्रायनो लिभ-इनआव दंमोन, बेनि उनाव बिथांआ गावनि गार्लफ्रेंड करलजिका ग्रडकजों जुलि जायो। करलजिका ग्रडकआ सासे कएशियाइनि मडेल। पुरु आरो बिथांनि लाभ स्टिरिआ मोनसे सावथुननि सल'बायदि। बिथांमोनहा सानैजों सासे लोगोनि गेजेरजों लोगो मोनलायदोंमोन। सानसेखालि करलजिकाआ मडेलनिनि मोनसे खामानिनि थाखाय मुम्बाइआव फैदोंमोन। बेनि

उनाव बिथांमोनहा सानैजों लोगो हमलायबाय थादों। उनाव 14 अक्टबर 2021 खालि जुलि खालामनो थांखि लायो। नायनो समायना आरो निला गाब मेगननि करलजिकाया थाबैनो मुम्बाइआव मोनसेनि उनाव मोनसे मडेलिं एसाइनमेन्ट मोन्नो हमो। बे समावनो बिथांआ पुरुजों लोगो मोनलायो। 7 बोसोर डेटिनि उनाव सानैजों नख'रनि गनायथिजों जुलि जायो। जुलिनि समाव करलजिकाया कएशियानि मुंदांखा डिजाइनर एम्भि रुमनि डिजाइन खालामनाय गाउन

मोसागिरि सपना चौधुरीनि भिडिअ सशेल मिडियानि गेजेरजों गोबाडै गोसारदों



हारियाणानि शेस्नी बे मुंखौ खोनानाय लोगो लोगोनो सपना चौधुरीनि मुंआ खर'आव फैयो, जाय गावनि गोखों मोसानायनि गेजेरजों गोबां मुंदांखा जानो हायो। बेल' नड सपना चौधुरीआ टिभि रिप्लिटि स्व' बिग बस 11 आवबो नुजाथिखांबाय आरो मोनसेनि उनाव मोनसे हारियाणानि आरो माखासे बलिउडनि मेथाइफोरजों मोसाखांबाय। बिथांनि मुंदांखा हारियाणानि मेथाइ 'घुंघरु टुट जावेगा' आ 2021 आव रिलिज जादोंमोन आरो बेखौ 307 मिलियननिखुइ बांसिन खेब नायजाबाय, नाथाय हारियाणानि मुंदांखा इन्स्टाग्रामआव सपना चौधुरीआ गावनि अफिसियेल पेजआव मोनसे भिडिअ शेयार खालामदों, बे भिडिअया गावनि न'निनो। जेराव टिभिआव

गावनि मुंदांखा मेथाइ घुंघरु टुट जावेगाआ सोलिगासिनो दं, नाथाय गुबुन फारसेथिं सपना चौधुरीखौ गुसुं टिशार्ट गान्नानै न' फुनाय नुनो मोन्दों आरो सोरबा सासे सुबुंआ बिथांनि भिडिअ लादों। मिनिनानै बेबो गावनि आखायाव न' फुग्राखौ थिखोना लानानै रंजानाय नुनो मोन्दों। सशेल मिडियाआव सपना चौधुरीनि भिडिअया गोखैयै भाइरेल जागासिनो दं आरो 5000 निखुइ बांसिन सुबुंफोरा बेखौ लाइक खालाम खांबाय। सशेल मिडियाआव सपना चौधुरीनि बे भिडिअखौ सुबुंफोरा गोबां अन्साइगासिनो दं आरो अन्साइगिरिफोरा बेनि सायाव कमेन्ट खालामगासिनो दं। सासे इजजारआ लिरोदि, हाजों लोब्बा थानाय नुनानै जोबोद गोजोन्नाय मोन्दों बिनानाव। गुबुन सासे इजजारआ मुजिथावना कमेन्टनि गेजेरजों लिरोदि, सपना चौधुरीआबो गावनि न'आव न' फुयो। सासेबाव इजजारआ लिरोदि, माहारियारि आइजो साननि गाहाम हामक्लाइथि होना सम्मान होयो आरो गावनि रेंग'थिखौबो दिथिफुडो। सपना चौधुरीआ सासे मुंदांखा हारियाणानि मोसागिरि, जाय बलिउडआवबो गावनि जायगा आवग्रिखांबाय। सपनाया नानु की जानु, भांगआखइ आरो वीरे की वेडिं बायदि माखासे बलिउड आइटेम मेथाइआवबो मोसाखांबाय। बेल' नड बिथांआ बिग बस 11 आवबो नुजाथिखांबाय आरो बियो स्व' जोबजासिम थानो हानाय सासे कटेस्टेन्टमोन।□

हि मेन आरो एंघि इयं मेन महरै 70 जौथायाव मुं मोन्दौमोन धर्मेन्द्र आरो अमिताभ बच्चनआ

बलिउडनि मुलुगआ औरैबायदि जेराव सासेनि उनाव सासे स्टारआ जोनोम लादों। थांनाय माखासे जौथायाव बलिउडआव माखासे फावगिरिफोर ओंखारदों, जायफोरा हादतआवल' नड गासै हादतआवनो भारतनि आलादा सिनायथि होनो हादों। बेफोरनि गेजेराव सासे स्टार दं, जाय 90 जौथाइयाव मोनसे सावथुननि थाखाय से कौटि रां लायोमोन। अदेबानि गुबुन सासे स्टारआ 70 थि जौथाइयावनो



मिउजियामआव लागायनाय जादोंमोन। अमिताभनो एक्टर अफ मिलेनियमनि बिमुं होनाय जायो आरो हलिउडजों लोगोसे गासै मुलुगआ बिथांनि फावखौ

अनसायनो हमो। 70 जौथायाव अमिताभ बच्चननि सावथुनखौ नायनो थाखाय सिनेमा हलफोराव सुबुंफोरा हर गेजेरावनो लाइन जाहैयोमोन।

फारसेथिं धर्मेन्द्रनि बाथ्रा सावरायोब्ला गावनि पार्सनेलिटि आरो एक्टिनि गेजेरजों गासै हादतआवनो अन्साइ जायो। बिथांखौ 70 थि जौथाइनि

समाव मुलुगनि बयनिखुइ हेन्डसामसिन हौवानि फारिलाइआव सायख'नाय जादोंमोन। बलिउडनि बे सानै सुपार स्टार्सफोरा जयै माखासे सावथुनफोरावबो खामानि मावदोंमोन। बलिउडनि हिटसिन जानाय सावथुन 'शोले' आव सानैजों जय आरो बिरु जादों। मुजिथावना बाथ्राया बेनोदि, सावथुनाव बिथां सानैनि जरा जानानै नुजाथिनाय फावखुंघिफोरा मोगथां जिउआवबो जिउनि लोगोरि जाबाय। बेनि अनगायैबो चुपके चुपके, राम बलराम, हम कौन है बायदि सावथुनफोरावबो सानैजों जयै नुजाथिदोंमोन।□

आइफा 2025 आव माधुरी दिक्षितआ गावनि 'एक दो तीन' मेथाइजों मोसादों

बावैसो आइफा 2025 नि सिगां रजत जयन्तनि हाबाफारिनि गेजेरजों जयपुरआव मुलुगनां आइजो साननि सानसे सिगां मोनाबिलि समाव मोनसे जर'खा हाबाफारिखौ दोन्नाय जादोंमोन, जेराव 90थि जौथायनि सुपारस्टार माधुरी दिक्षित आरो अस्कार बान्था



देरहागिरि, बिथोनगिरि गुनित मंगाजों लोगोसे गावनि बिबुंथि होनानै अन्सायगिरिफोरजों लोगोसे माखासे जर'खा सम थांहोनायखौ नुनो मोन्दों। अदेबानि बेनि माखासे भिडिअआ सोराडव फैदों। बे भिडिअआ सोराडव फैनायनि उनाव अन्सायगिरिफोरा गोबां बाखायदों। भिडिअआव माधुरी

दिक्षितआ गलडेन गावनि आउथफिटआव गावनि माखासे अन्सायगिरिफोरजों लोगोसे जौसाडाव 'एक दो तीन' मेथाइया जोबोद मुंदांखा मेथाइ, जाय 1988 माइथायाव नुजाथिनाय तेजाब सावथुननि। बेसावथुनाव माधुरी दिक्षितनि अनगायै अनिल कापुर, चंकि पान्डे, अनु कापुर आरो अनुपम खेरखौ लिड फावआव नुनो मोन्दोंमोन।

आइफानि बाथ्रा सावरायोब्ला इभेन्टनि गेजेरजों गावनि पार्सनेल आरो प्रफेशनेल लाइफनि सायाव बाथ्रा सावरायनानै फावखुंघिया बुडोदि, जुलिनि उनाव आं आनि जिउखौ मोजाडेनो खुदों। आनि लोगोरिया जोबोद सहाय होग्रा एबा हेफजाब होयो आरो नख'रजों लोगोसे थानो मोन्नाया आनि थाखाय मोनसे सिमां बायदि। आं आनि केरियारआव माखासे मोजां फावफोर दिथिफुनायनिबो खाबु मोन्दों। सावथुनफोरनि गेजेराव गावनि मोजां मोनसिन्नायनि सोमोन्दै बाथ्रा सावरायनायाव बिथाड 'मृत्युदन्ड' सावथुननि मुंखौ लादों आरो बे सावथुना बिथांनि केरियारनि माइल खुन्थिया जादों।□

कमल हासनआ माखासे सावथुननि थाखाय नेशनेल एवार्ड देरहादोंमोन



1960 आव उन्दै फावखुंगुर हिसाबै साउथनि सिनेमायाव आगान होजेन्दोंमोन आरो 70 बोसोर बैसो जानाय बे फावखुंगुरआ आथिखालावबो सावथुनफोराव लिड हिर'नि फाव खालामो, नाथाय खेब 2 जुलि लानायनि उनावबो आथिखालाव हारसिडै दं।

सावगारियाव नुनो मोन्नाय बे गथ'आ रावबो नड, साउथ सिनेमानि सुपार स्टार कमल हासनसो। कमल हासनआ 1960 आव तामिल सावथुन 'कलथुरकन्मम्मा' निफ्राय उन्दै फावखुंगुर हिसाबै गावनि एक्टिनि केरियारखौ जागायदोंमोन। फावखुंगुर

हिसाबै कमल हासनआ तामिल सावथुन 'पट्टमपुच्छि' खौ खालामदोंमोन आरो 'एक दुजे के लिए' सावथुनजों बलिउडआव डेव्यु खालामदोंमोन, जाय तेलेगु सावथुन 'मारो चरित्रा' नि हिन्दी रिमेक। कमल हासनखौ 'चाचि 420' सावथुननि थाखाय मिबथिनाय जायो। जाय गुबुन हादतनि सावथुन मिसेज डाइटफायरनि हिन्दी रिमेक। कमल हासनआ 'इन्डियन' सावथुनाव खामानि मावदोंमोन, जाय मोन्थाम नेशनेल एवार्ड बान्था देरहादोंमोन। कमल हासनआ डायरेक्टर महरैबो बिरुमान्डि (2004) आरो हे

राम (2000) बायदि सावथुनफोरखौ बो खालामदोंमोन। कमल हासनआ 1.5 कौटि रां फिस लानाय हादतनि गिबि स्टार। सुलुंनि बायदिब्ला, आथिखालाव बिथांआ मोनसे सावथुननि थाखाय 100 कौटि रांसिम चार्ज लायो। कमल हासनआ हादतनि गिबिसिनि सासे औरैबायदि फावखुंगुर, जाय गावनि रोजा रोजा फेन क्लाबखौ 'अल इन्डिया कमल हासन नरपानी इयक्कम' मुंखौ मोनसे इउनाइटेड वेलफेयार अगेनाइजेशनआव सोलायदों।□

देंखोगिरि आरती मुखार्जिआ स्कुल हाबनाय समनिफ्रायनो मेथाइ रोजाबदों

देंखोनि रानि लता मोंगेशकर, के.एस. चित्रा, कविता कृष्णमूर्ति आरो अल्का यागिनिकआ भारतीय सिनेमाखौ गावसिनि मिलौदो गारांजों समाय होखांबाय। बिसोर गासिबोनि गेजेराव सासेबाव देंखोगिरि दंबावो, जाय बावजाना थाबाय जानांगौ। जों सावरायगासिनो दड'। बेंगलि देंखोगिरि आरती मुखार्जिनि बाथ्रा, जायखौ आरती मुखपाथ्यानि मुंजोंबो मिबथिनो मोनो। आरती मुखार्जीआ 1955 निफ्राय सिंगिं केरियारआव एक्टिभ जानानै दड' आरो माखासे रावफोराव मेथाइ रोजाबखांबाय। बिथांआ हिन्दी सावथुनफोर गीत गाता चल, तपस्या आरो मासुमनि थाखाय समायना मेथाइबो रोजाबदोंमोन,



नाथाय बिथांजों जानाय मोनसे जाथाया बिथांनि सिंगिं केरियारखौ सिलिंखार खालामो। आरती मुखार्जीआ टुमरनिफ्राय भजन, टप्पा, तराना आरो गजल मोनफ्रोमबो रोखोमनि मेथाइखौ रोजाबनो गोरो। नाथाय बुंनाय जायोदि, बिथांनि केरियारखौ सिलिंखार खालामना होदों। आरतीनि मुंदांखा जानायखौ माखासे सुबुंफोरा गावसिनि

फिउचारखौ जेंना जागोन बायदि नुनो मोन्दोंमोन। आरतीआ सानसेखालि मिबथि होदोंमोनदि, आं बे समाव मुम्बाइआव खस्ट' खालामबाय थादोंमोन, आंहा दासिमबो मोजाडै मिबथियाखे जे जानाय आदारआव सोर मा लागायना होयामोन, हरखाबै सानसेखालि आं गावखौनो जोबोद नारभास जानाय मोन्दोथिदोंमोन, आनि आर्थिआ

बुदोंमोन आरो आं सानायजोंनो लोस्सोर खालामनो हायै जादोंमोन। उनाव आं डक्कर्सिमि थारो आरो डक्कआ आनि उदैखौ चेकआप खालामो, अब्लासो मिबथिनो हायोदि, सोरबा आनि जानाय आदायव बिष लगायनानै होदों। आनि आर्थिआ दिनैसिम सायो, आं लान्थ्रियै जिरायनानै प्रेकटिसबो खालामनो हाया। आरतीआ दिनै 81 बोसोर बैसोनि जाबाय। आरतीआ स्कुल समनिफ्रायनो मेथाइ खनबोदों आरो बिथांआ मुम्बाइआव खुंघुंनय मोनसे सिंगिं कम्पटिशनआव सेथि बान्था देरहानो हादोंमोन। बै समाव मुंदांखा कम्पजार अनिल बिस्वास, नौशाद आलि, वसन्त देसाइ, सि रामचन्द्र आरो मदन महनआ बिथांखौ बेस्ट सिंगार महरै सायख'दोंमोन।□

